



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-40698-1/21
Sarajevo, 08.11.2021. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), člana 27. stav (1) tačka 8) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10), člana 4. tačka f) Zakona o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, broj: 39/08, 19/11, 45/15 i 33/21) i člana 31. stav (2) tačke 2) Pravilnika o načinu rada i funkcioniranju štabova i povjerenika civilne zaštite („Službene novine Federacije Bosne i Hercegovine“, broj: 77/06, 5/07 i 32/14) Vlada Kantona Sarajevo, na **130. vanrednoj** sjednici održanoj **08.11.2021.** godine, donijela je

ODLUKU
o proglašenju stanja prirodne nesreće od poplava
na području Kantona Sarajevo

I

Ovom odlukom proglašava se stanje prirodne nesreće od poplava na području Kantona Sarajevo.

II

Radi zaštite i spašavanja ljudi i materijalnih dobara na ugroženom području Vlada Kantona Sarajevo određuje:

- da sva kantonalna ministarstva, samostalne kantonalne uprave, samostalne kantonalne upravne organizacije, javne ustanove i institucije, kao i javna preduzeća i drugi pravni subjekti, te nadležni općinski štabovi civilne zaštite stave na raspolaganje sve resurse Štabu civilne zaštite Kantona Sarajevo, koji će se prema planovima zaštite i spašavanja ljudi i materijalnih dobara koristiti na ugroženim područjima;
- da se u svim kantonalnim ministarstvima, samostalnim kantonalnim upravama, samostalnim kantonalnim upravnim organizacijama, javnim ustanovama i institucijama odmah organizuje rad i uvede pasivno dežurstvo radi izvršavanja naredbi Štaba civilne zaštite Kantona Sarajevo;
- da Štab civilne zaštite Kantona Sarajevo, u skladu sa iskazanim potrebama na ugroženim područjima može angažovati odgovarajuće kantonalne službe zaštite i spašavanja i kantonalne specijalizovane jedinice civilne zaštite, kao i druge pravne subjekte, javna preduzeća i građane.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



III

Troškovi koji nastanu angažovanjem Štaba civilne zaštite Kantona Sarajevo, kantonalnih službi zaštite i spašavanja, kantonalnih specijalizovanih jedinica civilne zaštite, te dodatnim planskim angažovanjem nedostajućih resursa tokom provođenja akcija zaštite i spašavanja ljudi na ugroženim područjima, pokrit će se iz sredstava posebne naknade za zaštitu od prirodnih i drugih nesreća i to po procedurama propisanim Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, broj: 4/12, 80/13 i 20/20), kao i iz sredstava ostvarenih po osnovu pomoći viših nivoa vlasti.

IV

Zadužuje se Štab civilne zaštite Kantona Sarajevo da u skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06 i 43/10), Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, broj: 39/08, 19/11, 45/15 i 33/21) i Pravilniku o načinu rada i funkcioniranju štabova i povjerenika civilne zaštite („Službene novine Federacije BiH“, broj: 77/06, 5/07 i 32/14) i drugim važećim propisima preuzme sve aktivnosti oko koordinacije i rukovođenja akcijama zaštite i spašavanja na ugroženom području od momenta stupanja na snagu ove odluke, sve do donošenja odluke o prestanku stanja prirodne nesreće.

V

Obavezuju se rukovodioci kantonalnih ministarstava, samostalnih kantonalnih uprava, samostalnih kantonalnih upravnih organizacija i javnih ustanova, kao i rukovodioci gradskih i općinskih službi za upravu, te rukovodioci pravnih lica i drugih institucija, da osiguraju provođenje naredbi nadležnih štabova civilne zaštite.

VI


Štab civilne zaštite Kantona Sarajevo i Kantonalna uprava civilne zaštite Kantona Sarajevo su dužni o preduzetim mjerama redovno izvještavati Vladu Kantona Sarajevo i druge organe u skladu sa zakonima i drugim propisima.

VII

Ova odluka stupa na snagu danom donošenja, a važit će do donošenja odluke o prestanku stanja prirodne nesreće. Ista će se odmah saopštiti putem sredstava javnog informisanja i objavit će se u „Službenim novinama Kantona Sarajevo“.

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo
3. Premijer Kantona Sarajevo,
4. Štab civilne zaštite Kantona Sarajevo,
5. Ministarstva Kantona Sarajevo (12x),
6. Samostalne kantonalne uprave (2x),
7. Samostalne kantonalne upravne organizacije (5x),
8. Grad Sarajevo (putem Kantonalne uprave civilne zaštite),
9. Općinama na području Kantona Sarajevo (9x) (putem Kantonalne uprave civilne zaštite),
10. Za objavu u „Službenim novinama Kantona Sarajevo“,
11. Evidencija,
12. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

